

Lub Kaum Ib Hlis 2020

Nyob Zoo Txog Cov Niam Txiv, Neeg Saib Xyuas Thiab Neeg Pab Tu,

Thaum peb xav txog thawj cuaj lub lim tiam ntawm xyoo kawm txawv tshaj plaws rau xyoo 2020-21 no, peb tau kawm ntau cov kev kawm tseem ceeb uas taw qhia ob peb qho kev hloov rau quarter ob. Txawm cov tsam thawj tam sim no nyuaj los peb lub luag hauj lwm tseem zoo li qub – los muab kev kawm zoo thiab muaj kev sib koom ua ke uas lub ntsiab ua tawm yog kom npaj txhij rau tsev kawm ntawv qib siab, kev ua hauj lwm thiab lub zej zog. Nyob rau kev koom tes hais txog nej tus me nyuam txoj kev kawm, kuv xav qhia ib co lus tshiab thiab kev pab tseem ceeb.

Cov Neeg Ua Hauj Lwm

Txawm tias cheeb tsam tsev kawm ntawv cov tsam thawj nyiaj txiag tseem yog ib qho teeb meem los yuav muaj li ntawm 10 lub luag hauj lwm uas yuav tau txais neeg los xyuas kom txhua lub tsev kawm ntawv muaj neeg ua hauj lwm txaus los pab nej tus me nyuam qhov IEP.

Kev Qhia Ntawv Tim Ntsej Tim Muag

Tsis ntev dhau los no, ob peb lub tsev kawm ntawv los yog cov kev kawm tau kaw kev qhia ntawv tim ntej tim muag thiab/los yog cov kev saib xyuas me nyuam vim cov neeg ua hauj lwm los yog cov me nyuam kawm ntawv tau kuaj muaj tus mob COVID-19. Ib pawg neeg hauv cheeb tsam tsev kawm ntawv yeej sib ntsib txhua hnuv los xyuas kev noj qab haus huv thiab kev ruaj ntseg raws cov ntsiab lus los daws teeb meem rau qhov uas tsim nyog daws. Thov paub tias peb saib cov kev txiav txim no tseem ceeb heev. Pawg neeg yeej xav txog txhua qhov tsam thawj thiab npaj kev txiav txim uas nyob nruab nrab ntawm kev noj qab haus huv thiab kev nyob zoo ntawm cov me nyuam kawm ntawv thiab cov neeg ua hauj lwm nrog rau peb cov dej num kev kawm. Txawm peb ua zoo tshaj plaws los cais cov kev kawm/kev pab thiab siv cov kev ua zoo tshaj hais txog kev noj qab haus huv thiab kev ruaj ntseeg los tseem muaj ob peb qho tsam thawj ua rau peb tau hloov chaw kawm los yog kaw kev pab tim ntsej tim muag ib ntus rau sij hawm cais mob ob lub lim tiam. Kuv kuj xav thov txim ua ntej tias lub sij hawm ntawm cov kev txiav txim no muab sij hawm tsawg rau nej yoog cov sij hawm hloov. Nej yuav tau npaj kev saib xyuas rau nej tus me nyuam kawm ntawv tsam ho muaj kev ncuu rau kev pab tim ntsej tim muag. Peb xav kom cov me nyuam kawm ntawv nqa lawv cov ntawv los tsev txhua hnuv thaum kawm tag tsam yuav tau so ib ntus ntawm kev kawm tim ntsej tim muag. Kuv yuav hais kom cov xib fwb qhia ntawv phab kev kawm tshwj xeeb npaj tsam ho muaj kev cuam tshuam rau nej tus me nyuam qhov kev kawm thiab. Peb kuj yuav hais kom cov neeg ua hauj lwm ceev faj twj ywm txog [Kev Cob QhiaTxog Kev Noj Qab Haus Huv Thiab Kev Ruaj Ntseg Dav Dav](#) thiab faib cov kev kawm/kev pab ua pawg tsawg mus ntxiv kom txwv ib tug neeg qhov kev cuam tshuam uas nws muaj rau lub tsev kawm ntawv/kev kawm.

Nyob rau cov lim tiam yuav los no, cov neeg ua hauj lwm yuav xyuas thawj quarter cov qauv ntsuam xyuas lub hauv paus, qhab nia, thiab kev ua tau zoo zuj zus los cuag cov hom phiaj ntawm qhov IEP kom nkag siab txog kev kawm ua tau zoo online. Nyob rau cov tsam thawj uas cov me nyuam kawm ntawv kawm tsis muaj kev kawm tau zoo tseem ceeb, pawg neeg IEP mam sib tham hloov cov kev pab uas tej zaum yuav muaj kev qhia ntawv tim ntsej tim muag.

Cov Kev Pab Ntxiv

Peb twb ua zoo tshaj plaws kom muaj kev kawm mus ntxiv rau lub sij hawm ncuu kev kaw tsev kawm ntawv los tseem muaj ib co kev kawm tshwj xeeb, cov kev pab, thiab ntaub ntawv txhawb uas muab tsis tau los yog tsis ua hauj lwm zoo rau kev kawm online. Nyob rau ib co ntaub ntawv, tej zaum cov me nyuam kawm ntawv tau poob qab ntawm cov kev txawj ntse thiab/los yog

kev kawm online tau cuam tshuam tus me nyuam kawm ntawv lub peev xwm kom ua tau zoo zuj zus cuag cov hom phiaj ntawm qhov IEP los yog cov qauv kawm tsim nyog. Raws li lub ntsiab qhia, ib co me nyuam kawm ntawv yuav tsum tau “Cov Kev Pab Ntxiv”. Nyob rau cov ntsiab lus sau no, Cov Kev Pab Ntxiv yog kev pab uas tej zaum yuav muaj muab ntxiv rau nej tus me nyuam nrog rau cov twb muaj nyob rau hauv nws qhov IEP tam sim no es thiaj li yuav txhawb tau rau nws txoj kev ua tau zoo zuj zus uas tau poob rau lub sij hawm kawm online rau lub caij nplooj hlaw tas los no. Nyob rau cov lim tiam yuav los no, cov neeg ua hauj lwm yuav xyuas cov ntsiab lus (thawj quarter cov qauv ntsuam xyuas lub hauv paus, qhab nia, thiab kev kawm tau zoo zuj zus cuag cov hom phiaj ntawm qhov IEP) kom nkag siab qhov kev cuam tshuam ntawm kev kaw tsev kawm ntawv. Cov ntsiab lus no yuav qhia cov neeg ua hauj lwm, cov niam txiv thiab pawg neeg IEP thaum lawv tham txog kev xav tau rau Cov Kev Pab Ntxiv. Peb cia siab yuav ua qhov kev txheeb xyuas Cov Kev Pab Ntxiv no tiav rau lub Ob Hlis nrab. Cov Kev Pab Ntxiv yuav muaj muab thoob plaws lub xyoo kawm rau caij ntuj sov 2021.

Cov Kev Ntsuam Xyuas Rau IEP

Peb twb ua cov kev luaj xyuas rau cov IEP (cov nyuam qhuav pib thiab cov rov luj xyuas) yuav tiav uas tau raug ncuu vim kev kaw mus ntxiv. Cov neeg ua hauj lwm tau siv tsev kawm ntawv thiab chaw hauv cheeb tsam tsev kawm ntawv los ua cov kev ntsuam xyuas uas yuav tsum ua tim ntsej tim muag. Yog nej tus me nyuam qhov kev luj xyuas tau raug ncuu vim tsev kawm ntawv kaw rau caij nplooj hlaw tas los no, pawg neeg IEP mam saib seb qhov kev ncuu puas yuav tsum muaj Cov Kev Pab Ntxiv los txhawb kev ua tau uas tej zaum tsis tau ua tau. Kev txheeb xyuas ntawm qhov kev xav tau no yuav ua tiav rau lub Ob Hlis nrab.

Yuav Hais Mus Rau Leej Twg Txog Nej Cov Lus Nug

Yog nej muaj lus nug los yog kev txhawj xeeb, kuv xav kom nej hais mus rau nej tus me nyuam tus xib fwb qhia ntawv phab kev kawm tshwj xeeb ua ntej vim feem ntau lawv yog cov paub lus ntxaws ntawm qhov kev kawm ntau tshaj plaws. Yog hais tias tus xib fwb qhia ntawv phab kev kawm tshwj xeeb teb tsis tau nej cov lus nug los yog kev txhawj xeeb, kuv xav kom nej hais mus rau nej lub tsev kawm ntawv tus xib fwb muab kev pab txhawb (PST) thiab/los yog tsev kawm ntawv tus tuam thawj xib fwb. Ntxiv mus, tej zaum yuav muaj qee sij hawm uas nej xav tau ib tug thawj tswj hwm hauv cheeb tsam tsev kawm ntawv (tus pab tus thawj tswj los yog kuv) los tham txog cov teeb meem nyuaj los yog tham tsis tau yooj yim. Kuv muab qhov link rau peb Feem Khiav Hauj Lwm [Pab Me Nyuam Kawm Ntawv cov ntaub ntawv teev npe](#) nej thiaj li paub leej twg ua dab tsi thiab thaum muaj lus nug los yog kev txhawj xeeb tshwm sim, nej thiaj tau cov ntaub ntawv tiv tauj tshiab tshaj plaws. Thaum kawg no, thov mus saib peb qhov [website rau Phab Kev Kawm Tshwj Xeeb](#) rau kev pab ntxiv.

Lus Meej Tseeb,

John Harper

John Harper, PhD

Thawj Tswj Hwm Feem Khiav Hauj Lwm Pab Me Nyuam Kawm Ntawv